



KOMUNIKADO PA PRENSA

Fecha

7 di dezèmber 2016

Accountmanager

Jhanirha Da Costa Gomez-Anita

Email

jhanirha.anita@gobiernu.cw

Dia Internashonal di Aviashon Sivil.

Willemstad – Awe, 7 di desèmber 2016, mundu ta selebrá dia internashonal di aviashon sivil. Tur aña e Organisashon Internashonal di Aviashon Sivil (ICAO) ta para ketu na e importansia di aviashon sivil. Tur dia tin un kantidat hopi grandi di suidadano for di rònt mundu ta biaha di un sitio pa otro atraves di aviashon. Nos ta biaha pa trabou, pa bishita famianan, pa fakansi i pa hopi otro motibu mas.

Mirando e embergadura di e sektor aki, ICAO a establese e Dia Internashonal di Aviashon Sivil na 1994. Meta di e dia aki ta pa yuda krea i alsa konosementu mundial riba e importante di aviashon sivil pa e desaroyo sosial i ekonómiko di paisnan. Tambe e dia ta pa para ketu na e ròl úniko di ICAO den yuda paisnan sosio pa koperá ku otro pa logra un ret di tránsito global ku tei pa duna henter humanidat servisio. Durante reunion di ICAO ta fiha posishonnan stratégiko huntu kaminda e metanan ta pa kontribuí na un klima di bida mas akseptabel. Un di e puntonan haltu riba agènda ta e kantidat di emishon CO2 ku ta akseptabel.

Tema di e aña aki ta: **‘Traha huntu pa garantisá ku niun pais no ta keda atras’** (“Working Together to Ensure No Country is Left Behind”). Esaki ta parti di e tema di 2015 pa 2018, ku ta nifiká ku kada region tin ku traha duru pa tur su miembronan traha huntu riba metanan komun i tambe kompartí konosementu. Kada 4 aña ta pone un tema pa e dia internashonal di aviashon sivil.

Na Kòrsou, Outoridat di Aviashon Sivil (CCAA) ta trahando duru pa alsa su sistema di kalidat i supervishon riba aviashon i pa kumpli ku eksihensha nan internashonal di aviashon, kual ta nesesario pa hiba nos bèk na kategoria 1 den e mundu di aviashon. Den esaki lo tin asistensha di ekspertonan di entre otro ICAO pa garantisá ku Kòrsou no ta keda atras. Ta konosí ku den e sektor di aviashon tin retonan grandi. Minister Suzy Camelia-Romer i tur hende na CCAA ta determiná pa alsa e kalidat di servisio i garantisá seguridat di aviashon di Kòrsou.